

大唐六典衛尉宗正寺卷十六

唐玄宗御撰

集賢院學士兵部尚書兼中書令修國史上柱國開國公
臣李林甫等奉敕注上

衛尉寺

卿一人

少卿二人

丞二人

主簿二人

錄事二人

府六人



史十一人

亭長四人

掌固六人

兩京武庫

令各一人

丞一人

府一人

史六人

監事一人

典事二人

掌固四人

武器署

令一人

丞二人

府二人

史六人

監事一人

典事二人

掌固四人

守宮署

令一人

丞二人

府二人

史四人

監事二人

掌設六人

幕士一千六百人

掌固四人

宗正寺

卿一人

少卿二人

丞一人

主簿二人

錄事一人

府五人

史九人

亭長四人

掌固四人

崇玄署

令一人

丞一人

府二人

史三人

典事六人

掌固二人

衛尉寺卿一人從三品

漢書百官表云衛尉秦官也掌宮門衛屯兵漢因之景帝中六年更名中大夫

令後元年復為衛尉屬官有公車司馬衛士旅賁三令丞又諸

屯衛候司馬二十二官皆屬焉又有長樂建章甘泉衛尉各掌

其官之職不常置後漢衛尉又有南宮北宮衛士令丞餘同前

漢荀綽百官表云衛尉品第三銀章青綬五時朝服武冠佩水

蒼玉過江省宋孝建元年復置齊因之梁天監七年置十二卿

衛尉與廷尉大匠為秋卿班第十二位視侍中兼統武庫令陳

因之後魏衛尉卿從第一品下太和二十二年降為第三品北

齊因之隋衛尉掌軍器儀仗帳幕以監門衛掌宮門屯兵煬帝

降卿為從三品皇朝因之龍朔二年改為司衛寺正卿咸

亨中復舊光宅元年又改為司衛寺卿龍朔元年復故

少卿二人從四品上

後魏太和十五年初置少卿官第三品上

帝降為從四品皇朝因之貞觀中置二

人龍朔咸亨光宅神龍并隨寺改復

衛尉卿之職掌邦國器械文物之政令總武庫武器守宮三署

之官屬少卿為之貳凡天下兵器入京師者皆籍其名數而藏

之凡大祭祀大朝會則供其羽儀節鉞金鼓帷帟茵席之屬其
應供宿衛者每歲二時閱之其有損弊者則移於少府監及金
吾修之

丞二人從六品上

秦漢衛尉丞一人比干石魏晉並同宋孝建元牟增置一人梁陳各一人梁選簿列卿丞

班第三後魏列卿丞從五品中太和二十二年第七品上北齊衛尉丞一人從六品下隋衛尉丞二人品同北齊大業五年復為從五品皇朝改為從六品上

主簿二人從七品上

漢官儀鹵簿篇衛尉駕四馬主簿前車八乘有鈴下侍閤辟車騎吏等員晉合衛尉

主簿二人宋齊衛尉并有主簿員梁天監七年十二卿各置主簿位三班陳因之北齊衛尉寺有主簿隋主簿二人皇朝武德中置二人正八品貞觀中減置一人從七品上後又置二人

錄事二人從九品上

丞掌判寺事凡器械出納之數大事則承制敕小事則由省司

主簿掌印勾檢稽失

錄事掌受事發辰

武庫合兩京各一人從六品下

周禮有司甲下大夫司弓矢下大夫司兵中士司戈盾下士並

武庫之任也漢屬執金吾後漢太僕屬官有考工令丞主作兵器弓弩刀鎧之屬成則付執金吾入武庫又云武庫令六百石魏晉因之宋尚書庫部屬官有武庫令掌軍器齊因之梁衛尉寺統武庫署令丞掌甲兵及吉凶儀仗後周依周官隋衛尉寺朝因之後減置一人

丞一人從八品下

漢魏晉時并有武庫丞北齊亦同隋有武庫丞二人皇朝因之後減一人

監事一人正九品上

武庫合掌藏天下之兵仗器械辨其名數以備國用丞為之貳

凡軍鼓之制有三一曰銅鼓二曰戰鼓三曰饒鼓

世本曰巫咸作鼓周官云

鼓人掌數六鼓四金之音聲以節聲樂以和軍旅以正田役以鼗鼓鼓軍事然鼓名實繁享祀所用并具太樂鼓吹署令銅鼓

南中所置軍旅之間卽有戰鼓復有饒鼓焉
金之制有四一曰鐔二曰鐻三曰鐻四

曰鐻周禮云以金鐻和鼓以金鐻節鼓以金鐻止鼓以金鐻通鼓鄭玄云鐻鉦也軍行鳴之以節鼓鐻如鈴無舌鳴之以

止鼓鐻大鈴振以通鼓司馬職曰卒長執鐻兩司馬執鐻公司馬執鐻司馬振鐻行軍鳴鐻鼓退鳴鐻且卻兵戰擊鼓以進之

擊金以止之
弓之制有四一曰長弓二曰角弓三曰稍弓四曰格弓

釋名曰弓穹也張之穹然其末曰肅言肅邪也以骨爲之曰弭中央曰拊所撫持也今長弓以桑柘步兵用之角弓以筋角騎

兵用之稍弓短弓也利於近射格弓綵飾之弓羽儀所執
弩之制有七一曰擘張弩二曰角

弓弩三曰木單弩四曰大木單弩五曰竹竿弩六曰大竹竿弩

七曰伏遠弩釋名曰弩怒也有怒勢也其柄曰臂似人臂也鈎弦者曰牙似牙齒也牙外曰郭爲牙之規郭也合

名之曰機言如機之巧也亦言如門戶樞機開闔有節也蔡邕曰冀州強弩幽州突騎天下之精也漢書有遠望連弩射法十

五篇華嶠後漢書云陳敬王寵善弩射其祕法以天覆地載參連爲奇入有三微三小三微爲經三小爲緯萬勝之方然要在

機牙其射至十發十中皆全孔魏氏春秋曰諸葛亮損益連弩謂之元戎以鐵爲矢矢長八寸一弩十矢俱發周禮司弓掌六

弓四弩今擘張弩小弩步兵所用角弓弩騎兵所用木單竹竿伏遠等弩其力益大所及漸遠

日竹箭二日木箭三日兵箭四日弩箭周禮司弓矢掌八矢之法枉矢絜矢利火射用

諸守城車戰殺矢鏃矢用諸近射田獵矰矢弗矢用諸戈射恆

矢痺矢用諸散射方言曰自關而東謂之矢江淮之間謂之鏃

關西謂之箭其本曰鏃體曰幹其旁曰羽其矢未曰括其括旁

日又又通俗文曰骨鏃曰髀鐵鏃曰鏃鳴箭曰駮霍葉曰鉞皆

古之制也竹箭以竹為筈諸箭亦通用木箭以木為筈唯利刀

射獵兵箭剛鏃而長用之射甲弩箭皮羽而短用之陷堅也

之制有四一日儀刀二日鄣刀三日橫刀四日陌刀釋名曰刀末曰鋒其

本日環今儀刀蓋古班劍之類宋晉已來謂之御刀後魏日長

刀皆施龍鳳環至隋謂之儀刀裝以金銀羽儀所執鄣刀蓋用

鄣身以御敵橫刀佩刀也兵士所佩名亦起槍之制有四一日

於隋陌刀長刀也步兵所持蓋古之斷馬劍
漆槍二日木槍三日白幹槍四日撲頭槍釋名曰矛冒也刃下冒矜也長八尺日稍
馬上所執蓋今之漆槍短騎兵用之木槍長步兵用之白幹槍羽林所執撲頭槍金吾所執也
甲之制十有三
一曰明光甲二曰光要甲三曰細鱗甲四曰山文甲五曰烏鎧

甲六曰白布甲七曰阜絹甲八曰布背甲九曰步兵甲十曰皮

甲十有一曰水甲十有二曰鎖子甲十有三曰馬甲甲似物之孚甲以自

衛也史記曰楚人鮫革以為甲漢書曰魏氏武卒衣三屬之甲謂上身一髀禪一兜鍪一凡三屬也今明光光要細鱗山文鳥

銳鎖子皆鐵甲也皮甲以犀兕為之其餘皆因所用物名焉彭排之制有六一曰膝排二曰

團排三曰漆排四曰木排五曰聯木排六曰皮排釋名曰彭旁也在旁排敵

禦寇也纂文曰鹵大楯也今謂之彭排故諸葛亮曰帳下持彭排百枚其膝團漆木皮皆古制也蓋亦因其所用物為名焉

旗之制三十有二一曰青龍旗二曰白獸旗三曰朱雀旗四曰

玄武旗五曰黃龍負圖旗六曰應龍旗七曰龍馬旗八曰玉馬

旗九曰鳳凰旗十曰鸞旗十一曰鷄鷄旗十二曰太平旗十三

曰麒麟旗十四曰飛麟旗十五曰飛黃旗十六曰馱馱旗十七曰

白澤旗十八曰五牛旗十九曰犀牛旗二十曰金牛旗二十一

曰兜旗二十二曰三角獸旗二十三曰角端旗二十四曰吉利

旗二十五曰驪騮旗二十六曰騶牙旗二十七曰黃鹿旗二十

八曰白狼旗二十九曰赤熊旗三十曰辟邪旗三十一曰菑文

旗三十二曰刃旗周禮司常掌九旗之名物日月為常交龍為

龜蛇為旐全羽為旛析羽為旌列子曰黃帝與炎帝戰于阪泉

之野以雕鷲鷹鳶為旗今白澤朱雀辟邪玄武等旗金吾隊所

執青龍白獸麒麟角端赤熊等旗左右衛隊所執鳳凰飛黃吉

利兕旗太平等旗驍衛隊所執五牛飛麟駃騠鸞旗犀牛鷄鶡

驪騮等旗武衛隊所執應龍三角玉馬白狼龍馬金牛等旗領

軍隊所執黃龍負圖黃鹿騶牙蒼鳥等旗威衛隊所執菑文旗

脚為菑文刃袍之制有五 一曰青袍 二曰緋袍 三曰黃袍 四曰
白袍 五曰皁袍 說文曰袍襦也以絮曰襦以縵曰袍今之器用
之制有八 一曰大角 樂錄曰角者說云蚩尤氏率魍魎與黃帝
戰于涿鹿帝乃始命吹角為龍鳴以禦之
至魏武北征烏丸度沙漠而軍士思歸於是減為中鳴而尤更
悲矣胡角者木以應胡笳之聲後漸用之故有長鳴中鳴故角

凡三部今唯有大角金吾主之也 二曰燾 漢書有燾頭每天子行幸及大軍征

百人置一燾皇 三曰鉞斧 石氏星經曰天鉞一星在井旁與服朝因之不改 志曰鉞黃帝所造塗以黃金行則載

以車可以斬戮傳云湯伐昆吾躬把大鉞武王入商國周公把大鉞畢公把小鉞以夾王以鐵爲之六韜云武王軍中有大柯

斧刃廣八寸重八斤名爲天鉞卽今之 四曰鐵蒺藜 漢書晁錯大鉞也魏晉已來上公親征猶假其器 上疏云晁

渠答注云渠答鐵蒺藜也至隋煬 五曰棒 太公六韜曰方扇及帝征遼布鐵菱于地亦其類也 鐵棒重十二斤柄長

五尺干二百枚一名天楛星 六曰鉤 越絕書云船軍之備必備古云天楛五星天之杖也 長斧長鉤長鉤者所以鉤

引敵 七曰鐵盃 古謂之盃蓋今之鐵 八曰水斗 漢書云斗所以船也 銅也爲軍中食器也 量多少今軍中

用斗以 凡諸道行軍皆給鼓角三萬人已上給大角十四具大汲水

鼓二十面二萬人已上大角八具大鼓十四面萬人已上大角

六具大鼓十面萬人已下臨事量給其鎮軍則給三分之二凡

大駕親征及大田巡狩以羝羊豨豬雄雞鼉鼓若皇太子親征

及大將軍出師則用鞞肫凡有赦則先建金雞兼置鼓於宮城

門之右視大理及府縣囚徒至則搥其鼓

關東風俗傳云宋孝王嘗問先達司馬膺

之云後魏北齊赦日建金雞事膺之曰案海中星占天雞星動必當有赦蓋王者以雞為赦候案其所設其制始於後魏不知起自何帝也隋書刑法志曰北齊赦日皆武庫令設金雞及鼓於闕門右搥鼓千聲宣赦釋囚徒隋因之牛弘大興記曰赦日建金雞自後魏以來常然或云起於呂后未之詳也

武器署令一人正八品下

隋行臺尚書省有武器監令錄事皇朝永徽中始置其署以主器仗

丞二人從九品下

隋置皇朝因之

監事一人從九品下

武器署令掌在外戎器辨其名物會其出入丞為之貳凡大祭

祀大朝會大駕巡幸則納於武庫供其鹵簿若王公百官拜命

及婚葬之禮應給鹵簿及三品已上官合列棨戟者竝給焉

守宮署令一人正八品下

漢少府屬官有守宮令丞主御紙筆墨及財物諸用并封泥之事晉光祿

勳屬宮有守宮令梁陳大匠卿屬官有守宮令員北齊光祿寺統守宮合丞掌凡張設之事隋衛尉寺統守宮署令二人皇朝

減一人

丞二人正九品下

隋守宮丞四人皇朝減置二人

監事二人從九品下

守宮署令掌邦國供帳之屬辨其名物會其出入丞為之貳凡

大祭祀大朝會大駕巡幸則設王公百官位於正殿南門外若

吏部禮部兵部考功試人則供帷幕之屬若王公婚禮亦供其

帳具

宗正寺卿一人從三品

石氏星經曰宗正二星在帝座東南周禮小宗伯掌三族之別以辨親疏漢百

官表云宗正秦官掌親屬平帝元始四年更名宗伯王莽并其官於秩宗光武復置續漢書百官志宗正掌序錄王國嫡庶之

次宗室親屬遠近漢宗正之官不以他族楚元王子郢客劉辟疆劉德等遞為之魏亦以宗室居之晉桓溫奏省屬太常宋齊並不置梁天監七年乃置焉宗正春卿位視列曹尚書皆以宗室為之班第十三陳因之後魏亦曰宗正卿第二品上北齊第三品隋開皇初宗正卿正三品煬帝為從三品皇朝因之光宅元年改為司屬神龍初復為宗正

少卿二人從四品上

後魏太和中初置少卿第三品二十三年為第四品隋初正四品煬帝降為從四品

皇朝因之

丞一人從六品上

漢宗正有丞秩千石歷魏晉亦如之東晉省宋齊因之梁宗正丞為四班陳六百石第八

品後魏第七品北齊因之隋初丞二人並七品下煬帝大業五年增為從五品皇朝置一人從七品下

主簿二人從七品上

梁天監十年置為七班陳因之北齊同隋置二人皇朝置一人開元二十五年加一

人自卿以下並於宗室中擇才行者補授也

錄事一人從九品上

宗正卿之職掌皇九族六親之屬籍以別昭穆之序紀親疏之